

四庫全書

經部

欽定四庫全書

經部

儀禮經傳通解卷一

詳校官尚書臣德保

給事中臣溫常綬覆勘

總校官進士臣繆琪

校對官助教臣卜維吉

謄錄監生臣劉本立

欽定四庫全書

經部四

儀禮經傳通解

禮類五 通禮之屬

提要

臣等謹按儀禮經傳通解三十七卷續二十九卷儀禮經傳通解宋朱子撰初名儀禮經傳集注朱子乞修三禮劄子所云以儀禮為經而取禮記及諸經史雜書所載有及於禮者皆附本經之下具列注疏諸儒之說畧有端緒即是書也其劄子竟不果上

晚年修葺乃更定今名朱子沒後嘉定丁丑
始刊板於南康凡家禮五卷鄉禮三卷學禮
十一卷邦國禮四卷共二十三卷為四十二
篇中缺書數一篇大射至諸侯相朝八篇尚
未脫藁其卷二十四至卷三十七凡十八篇
則仍前草創之本故用舊名集傳集註是為
王朝禮中缺卜筮一篇目錄內踐阼第三十
一以後序說並缺蓋未成之本也所載儀禮

諸篇咸非舊次亦頗有所釐析如士冠禮三
履本在辭後乃移入前陳器服章戒宿加冠
等辭本總記在後乃分入前各章之下未取
雜記女子十五許嫁笄之文續經立女子笄
一目如斯者不一而足雖不免割裂古義然
自王安石廢罷儀禮獨存禮記朱子糾其棄
經任傳遺本宗末因撰是書以存先聖之遺
制分章表目開卷瞭然亦考禮者所不廢也

其喪祭二門則成於朱子門人黃榦蓋朱子以創藁屬之楊復原序述榦之言有曰始余創二禮粗就奉而質之先師喜謂余曰君所立喪祭禮規模甚善他日取吾所編家鄉邦國王朝禮其悉用此更定云云則榦之所編尚不失朱子之意然榦僅修喪禮十五卷成於嘉定己卯其祭禮則尚未訂定而榦又沒越四年壬午張處刊之南康亦未完本也其

後楊復重修祭禮鄭逢辰進之於朝復序幹
之書云喪禮十五卷前已繕寫喪服圖式今
別為一卷附於正帙之外前稱喪服圖式祭
禮遺藁尚有未及訂定之遺憾則別卷之意
固在此又自序其書云南康學宮舊有家鄉
邦國王朝禮及張侯處續刊喪禮又取祭禮
藁本併刊而存之竊不自揆遂舉藁本叅以
所聞稍加更定以續成其書凡十四卷今自

卷十六至卷二十九皆復所重修合前經傳
通解及集傳集註總六十有六卷雖編纂不
出一手而端緒相因規模不異考古禮者其
梗概節目亦略備于是矣乾隆四十四年五
月恭校上

總纂官臣紀昀臣陸錫熊臣孫士毅

總校官臣陸費墀

儀禮經傳通解舊序

南康舊刊 朱文公儀禮經傳與集傳集註而喪祭
二禮俄空焉蓋以屬門人勉齋黃幹俾之類次而未成
也處來南康聞勉齋已下世深恨 文公之志不終士
友間有言勉齋固嘗脫藁今在南劔陳史君處欲全此
書索之南劔可也南劔知之果以其書來且併遣刻者數
輩至於是鋟木更一年而後畢是雖喪祭二門而卷帙
多前書三之一以是刊造之日長點勘之功鄉貢進士

楊用為多又助以王鎮圭童居欽黃嵩三君披閱精彊
錯簡脫字徃徃無之處生不為晚而不能一識 文公

文公不可得而見得見勉齋者斯可矣又復失之分
符星渚乃 文公遺愛之地高山仰止惓惓興懷茲又
得全其所欲言之書以畢其平日傳受之志豈非幸歟
第閑習禮度不如式瞻儀刑諷味遺言不如親承音旨
誠有如古人之論撫卷為之三嘆也嘉定癸未孟秋上
澣四明張處識

欽定四庫全書

儀禮經傳目錄

漢書藝文志禮古經五十六卷經十七篇

后氏戴氏今按此

即今儀禮也

十七本一作七十臨江劉敞云當作十七

計其篇數則然今從之永嘉張淳曰漢初未有儀禮

之名疑後漢學者見十七篇

中有儀有禮遂合而名之也

記百三十一篇

七十子後學者

所記

明堂陰陽三十二篇

古明堂之遺事

王史氏二十一篇

七十子

曲臺后倉九篇

如淳曰行禮射于曲臺后倉為記故名曰曲臺記

明

堂陰陽說五篇周官六篇周官傳四篇

王莽時劉歆置博士師古

曰即今周官禮也亡其
冬官以考工記充之

劉歆曰易曰有夫婦父子君

臣上下然後禮義有所錯而帝王質文世有損益至

周曲為之防事為之制故曰禮經三百威儀三千

按今

禮經威
鄭立等

儀禮記作經禮曲禮而中庸以禮經為禮儀
皆曰經禮即周禮三百六十官曲禮即今儀

禮冠昏
二名也

吉凶其中事儀三千以其有委曲威儀故有
臣瓚曰周禮三百特官名耳經禮謂冠昏吉

凶蓋以
制之凡

儀禮為經禮也而近世括蒼葉夢得曰經禮
也曲禮文之目也先王之世二者蓋皆有書

歲于有
讀之以

司祭祀朝覲會同則大史執之以涖事小史
喻衆而鄉大夫受之以教萬民保氏掌之以

教國子
之說瓚

者亦此書也愚意禮篇三者禮器為勝諸儒
葉為長蓋周禮乃制治立法設官分職之書

於天下事無不該攝禮典固在其中而非專為禮設也故此志列其經傳之目但曰周官而不曰周禮自不應指其官目以當禮篇之目又況其中或以一官兼掌衆禮或以數官通行一事亦難計其官數以充禮篇之數至于儀禮則其中冠昏喪祭燕射朝聘自為經禮大目亦不容專以曲禮名之也但曲禮之篇未見于今何書為近而三百三千之數又將何以充之耳又嘗考之經禮固今之儀禮其存者十七篇而其逸見於它書者猶有投壺奔喪遷廟釁廟中霤等篇其不可見者又有古經增多三十九篇而明堂陰陽王史氏記數十篇及河間獻王所輯禮樂古事多至五百餘篇儻或猶有逸在其間者大率且以春官所領五禮之目約之則其初固當有三百餘篇亡疑矣所謂曲禮則皆禮之微文小節如今曲禮少儀內則玉藻弟子職篇所記事親事長起居飲食容貌辭氣之法制器備物宗廟宮室衣冠車旗之等凡所以

行乎經禮之中者其篇之全數雖不可知然條而析之亦應不下三千有餘矣若或者專以經禮為常禮曲禮為變禮則如冠禮之不醴而醢用酒殺牲而有折俎若孤子冠母不在之類皆禮之變而未嘗不在經禮篇中坐如尸立如齊毋放飯毋流歠之類雖在曲禮之中而不得謂之變禮其說誤也及周

之衰諸侯將踰法度惡其害已皆滅去其籍自孔子

時而不具至秦大壞漢興魯高堂生傳士禮十七篇

訖孝宣世后倉最明戴德戴聖慶普皆其弟子三家

立於學官

今按此即上文誤作七十篇者

禮古經者出於魯淹中及

孔氏

蘇林曰淹中里名也

今按及孔氏舊註屬下句劉敞云孔氏安國所得壁中書也當屬上句

今按此即上文五十六與十七篇文相似多三十九

卷者其讀當從劉氏

篇今按與本作學十七本卷除十七正多三十九其

說也是也蓋上文經七十篇本註后氏戴氏又言高堂

生傳士禮十七篇后倉二戴皆其弟子則彼所謂后

戴之禮即是傳此高堂生之所得而今號儀禮者也

況劉氏所考於所增多篇數適合而上文經目又別

無高堂生十七篇之禮其證甚明賈公彥疏亦云古

文十七篇與高堂生所傳相似是唐初時漢志猶未

誤也故知此誤錯三字皆當從劉氏說

及明堂陰陽王史氏記所見多

三

天子諸侯卿大夫之制雖不能備猶脩倉等推士禮

而致於天子之說

師古曰脩與愈同愈勝也今按

諸記自一百三十一篇以下與經

儀禮經傳

文本不相雜疑今亦多見於本篇後記及二戴之記
孔子家語等書特不可考其所自耳又張淳云如歆
所言則高堂生所得獨為士禮而今儀禮乃有天子
諸侯大夫之禮居其大半疑今儀禮非高堂生之書
但篇數偶同耳此則不深考於劉說所訂之誤又不
察其所謂士禮者特畧舉首篇以名之其曰推而致
於天子者蓋專指冠昏喪祭而言若
燕射朝聘則士豈有是禮而可推耶

賈公彥曰戴

德戴聖與劉向別錄十七篇次第皆冠禮第一昏禮

第二士相見第三自茲以下大戴即以士喪既夕士

虞特牲少牢有司鄉飲鄉射燕禮大射聘禮公食覲
禮喪服為次小戴則以鄉飲鄉射燕禮大射士虞喪

服特牲少牢有司士喪既夕聘禮公食覲禮為次皆尊卑吉凶先後雜亂故鄭說不從之唯劉向別錄大射以上七篇與小戴同而其下乃以聘食覲禮喪服士喪既夕士虞特牲少牢有司為次皆尊卑吉凶次第倫叙故鄭用之也又曰儀禮之次賤者為先故以士冠為先無大夫冠禮諸侯冠次之天子冠又次之其昏禮亦士為先大夫次之諸侯次之天子為後諸侯鄉飲酒為先天子鄉飲酒次之鄉射燕禮已下皆

然又以冠昏士相見為先後者以二十而冠三十而娶四十強而仕即有摯見鄉大夫見國君之等又為鄉大夫州長行鄉飲酒鄉射之事已下先吉後凶凶盡則又行祭祀吉禮也

士冠禮第一

陸德明釋文曰冠古亂反下以意求之

家禮一之上

鄭玄目錄曰童子任職居士位年二十而冠

疏曰言童子居

士位者据下昏禮相見禮皆士身所行故知此是士身自加冠也又据曲禮云二十曰弱冠故知年二十而冠也孔穎達云冠之所起按略說云古人冒而句額註云謂三皇時以冒覆頭句額繞項世本云黃帝

造旒冕蓋前此以羽皮為冠至是乃用布也

主人玄冠朝服則是仕於諸

侯

天子之士

朝服

皮弁

素積

今按諸侯朝服以日

視朝皆君臣同服故言此篇言主人玄冠朝服則是

仕於諸侯而為士者若天子之士則其朝服當用皮

弁素積不得言玄冠朝服也鄭氏本文如此今見疏

義而釋文乃以天子二字加于諸侯之上則舛謬而

無文理矣溫本

亦誤今定從疏

古者四民

世事士之子

恆為士

疏曰

世事見齊語引之者見此為士自加冠法若士之子

四十強而仕何得有二十為士自加冠也今按此

說不可曉竊詳鄭意似謂士之子雖

未仕然亦得用此禮爾疏恐誤也

冠於五禮為嘉

禮大小戴及別錄皆此為第一

疏曰周禮春官五禮

之目曰吉凶軍賓嘉

其以嘉禮親萬民之一曰以昏冠之禮親成男女是冠屬嘉禮也

今仍舊次而於其

文頗有所釐析云

如取三條以合於陳器服章之次諸辭各附於本章之下增女笄一

節自雜記而來出後記以入後篇之類

冠義第二

家禮一之下

此小戴記第四十三篇蓋漢儒所造以釋冠禮之義者也家語冠頌篇略見天子諸侯大夫之禮小戴曾子問中有變禮春秋內外傳有事證今皆以附於後定為第二而遞改下篇之次云

士昏禮第三

家禮二之上

鄭目錄云士娶妻之禮以昏為期因而名焉必以昏

者陽往而陰來日入三商為昏

疏曰商謂商量是漏刻之名案馬氏云日

未出日沒後皆云二刻半前後共五刻今云三商者據整數而言燕周云太昊制嫁娶儂皮為禮是昏禮

所起也

今按周禮媒氏凡男女自成名以上皆書

年月日名焉令男三十而娶女二十而嫁又按孔子

曰霜降逆女冰泮殺止而媒氏又言中春之月令會

男女此皆昏禮之大期也左傳云國君十五而生子

是入君早娶所

昏於五禮屬嘉禮大小戴及別錄此

以重繼嗣也

皆第二今頗釐析之而定為第三

後皆放此不復重出

昏義第四

家禮二之下

此小戴第四十四篇蓋漢儒所造以釋昏禮之義者也今以郊特牲坊記曾子問及詩春秋內外傳白虎通義說苑所說昏禮之義及其變節合之以為此篇

內則第五

家禮三

此小戴第十二篇蓋古經也鄭氏以為記男女居室事父母舅姑之法以閨門之內禮儀可則故曰內則今按此必古者學校教民之書宜以次於昏禮故取

以補經而附以傳記之說云

內治第六

家禮四

古無此篇今取小戴昏義哀公問文王世子內則篇及周禮大戴禮春秋內外傳孟子書大傳新序列女傳前漢書賈誼新書孔叢子之言人君內治之法者創為此記以補經闕

五宗第七

家禮五

古無此篇今取小戴喪服小記大傳曾子問內則文

王世子檀弓曲禮篇及此經喪服傳春秋內外傳家語白虎通義書大傳孔叢子等書之言宗子之法以治族人者創為此篇

親屬記第八

家禮六

此即爾雅之釋親篇白虎通義所謂親屬記者也以其具載閨門三族親戚之名號故列於此而通義所釋亦因以附焉

士相見禮第九

鄉禮一之上

鄭目錄曰士以職位相親始承摯相見之禮雜記會

葬禮曰相見也反哭而退朋友虞祔而退

疏曰經亦有大夫及

庶人見君之禮亦有士見大夫之法而以士相見為首故以名篇其天子之孤卿大夫士與諸侯之孤卿大夫士執摯既同相見之禮亦無別又云送葬之禮恩厚者退遲恩薄者退疾引之者證有執摯相見之義士相見於五禮屬賓禮大小戴及別錄皆第三

曰疏

案周禮大宗伯五禮賓禮之別有八春朝夏宗秋覲冬遇時會殷同六者是五等諸侯見天子兼有自相朝覲之禮時聘曰問殷覲曰視二者是諸侯使臣出聘天子及自相聘之禮並執玉帛而行無執禽摯之法此屬直新升為士大夫之等同國執禽摯相見及見君之禮亦是賓主相見之法故屬賓禮也今

出其見君者數條入臣禮篇而取曲禮少儀玉藻諸
篇言相見飲食之禮者附之

士相見義第十

鄉禮一之下

古無此篇劉敞補亡今以白虎通義附其後

投壺第十一

鄉禮二

此小戴第四十篇第記主人與客燕飲投壺之禮鄭
氏以為賓曲禮之正篇其事與射為類於五禮宜屬
嘉禮

疏曰案周禮大宗伯云以嘉禮親萬民下有
以賓射之禮親故舊朋友故知屬嘉禮也

今

取大戴及少儀合之以繼士相見禮之後

鄉飲酒禮第十二

鄉禮三之上

鄭目錄云諸侯之鄉大夫三年大比獻賢者能者於

其君以禮賓之與之飲酒

疏曰凡鄉飲酒之禮其名有四此賓賢能一也六十

者坐五十者立侍是黨正蜡祭飲酒二也州長春秋習射于序先行鄉飲酒三也又有鄉大夫士飲國

中賢者用鄉飲酒四也其王制云習鄉尚齒即是黨正飲酒法 呂大臨曰鄉人凡有會聚皆當行此禮

恐不止四事論語載鄉人飲酒杖者出斯出矣亦指鄉人而言之

鄉飲酒於五禮屬

嘉禮大戴此乃第十小戴及別錄此皆第四今略取

少儀一二附記下云

鄉飲酒義第十三

鄉禮三之下

此小戴第四十五篇亦漢儒所造以釋鄉飲酒之義者也上篇所陳乃鄉大夫將興其賢能而賓之之禮此義中第五章兼有黨正正齒位之事鄭說已見上

篇孔穎達以為吉禮非也

今以周禮考之唯祭祀為吉禮其飲食賓射燕饗皆

屬嘉禮則上篇鄭云嘉禮為是而孔說誤也射義放此

今附于本篇之次

鄉射禮第十四

鄉禮四之上

鄭目錄云州長春秋以禮會民而射於州序之禮謂

之鄉者州鄉之屬鄉大夫或在焉不改其禮

疏曰鄭註州長

以下周禮州長職文也周禮又云五州為鄉是州屬鄉也一鄉雖管五州然鄉大夫或宅居一州之內則

當來臨此射禮故州長所行而名鄉射也又鄉大夫既興賢者能者而以鄉射之禮五物詢衆庶亦如此

禮故亦名為鄉射云不改其禮者雖鄉大夫在其禮仍依州長射禮也然此經鄉大夫射于庠云堂則由

楹外又云堂則物當楹又云大夫用兕中其禮與士射於序別而云不改者大射卿大夫士射先行鄉飲

酒禮及未旅而射為不改耳其實亦有少異也射於五禮屬嘉禮大戴十一

小戴及別錄皆第五

今按此篇與上篇戒宿飲燕之節畧同它經之註似此者多不

重出而鄭于此註各詳具之是後諸篇亦復放此蓋恐後人因事檢閱者不能一一通貫故不憚其繁復耳至于疏家復詳言之則為冗長故今獨存註文而疏無異義者不復載也

鄉射義第十五

鄉禮四之下

此小戴第四十六篇亦漢儒所造以釋鄉射之義者也今取其言鄉黨習射詢衆庶者為此篇而出其言天子諸侯將祭選士者為大射義見後篇

學制第十六

學禮一之上

古無此篇此類今以家塾黨庠遂序皆為鄉學則其

禮之次宜有以見其設教導民之法故集諸經傳創立此篇以為此類之首

學義第十七

學禮一之下

此篇亦古所無今集諸經傳凡言教法之意者補之以釋上篇之義

弟子職第十八

學禮二

此管子之全篇言童子入學受業事師之法今分章句參以衆說補其註文以附于經

少儀第十九

學禮三

此小戴記之第十七篇言少者事長之節註疏以為細小威儀非也今釐其雜亂而別取它篇及諸書以補之

曲禮第二十

學禮四

此小戴記之第一篇言委曲禮儀之事所謂曲禮三千者也其可隨事而見者已包在經禮三百篇之內矣此篇乃其雜碎首尾出入諸篇不可隨事而見者

故合而記之自為一篇而又多為韻語使受者得以
諷於口而存諸心蓋曲禮之記也戴氏編禮時已亡
逸故特因其首章之幸存者而雜取諸書所引與它
記之相似者以補續之然其文亦多錯亂不甚倫貫
今頗釐而析之

臣禮第二十一

學禮五

古無此篇今按事親事長隆師親友治家居室之法
各有成篇獨臣事君三綱之大其法尤嚴乃獨無所

聚而散出於諸書學者無所考焉今掇其語創為此篇

鐘律第二十二

學禮六之上

古無此篇今以六藝次之凡禮之通行者已略見上諸篇矣此後當繼以樂而樂經久已亡逸故取周禮鄭註太史公淮南子前後漢志杜佑通典之言律呂相生長短均調之法創為此篇以補其闕

鐘律義第二十三

學禮六之下

古亦無此篇今取

闕

詩樂第二十四

學禮七

古亦無此篇而大樂遺聲其絕久矣今取世傳唐開元十二詩譜補之以粗見其仿佛然亦未知其果有以合於古之遺聲否也

禮樂記第二十五

學禮八

古無此篇今取諸記中通論禮樂大指者合為此篇以通釋禮樂之義

書數第二十六

今闕

學禮九

古無此篇今按六藝之射已略見上鄉射及下大射篇御法則廢不可考矣唯書數日用所須不可不講故取許氏說文解字序說及九章算經為此篇以補其闕然亦不能詳也

學記第二十七

學禮十

小戴第十八篇言古者學校教人傳道授業之次序與其得失興廢之所由蓋兼大小學而言之舊註多

失其指今考橫渠張氏之說并附己意以補其註云

大學第二十八

學禮十一

小戴第四十二篇專言古者大學教人之次第河南程氏以為孔氏之遺書者也秦漢以來儒者既失其傳故其舊文舛錯為甚而訓說亦多不能得其微意今推本程氏既緒正之仍別為之章句讀者宜盡心焉則聖賢之學可漸而進矣

中庸第二十九

學禮十二

小戴第三十一篇程氏以為孔門傳授心法而其書成於子思而其言大抵與大學相發明故熹聞之先君子常以為大學者此篇之戶庭而此篇則大學之閫輿也然道既失傳說者類皆不能得其微指今亦本程氏別為章句讀者孰復而深味之則聖賢傳付之密旨庶乎其有以自得之矣

保傳傳第三十

學禮十三

漢昭帝詔曰通保傳傳文穎以為賈誼所作即此篇

也今在大戴禮中第四十八篇其詞與詛本傳疏語
正合其言教太子輔少主之道至詳悉而極懇切矣
故自當時即以列於孝經論語尚書之等而進之於
君蓋能深識其言之要者矣後之君子有愛君憂國
之深慮者其可以不之省哉

踐阼第三十一

學禮十四

此大戴第五十九篇

自此以下
序題並闕

五學第三十二

學禮十五

燕禮第三十三

邦國禮一之上

燕義第三十四

邦國禮一之下

大射禮第三十五

邦國禮二之上

大射義第三十六

邦國禮二之下

聘禮第三十七

邦國禮三之上

聘義第三十八

邦國禮三之下

公食大夫禮第三十九

邦國禮四之上

公食大夫義第四十

邦國禮四之下

諸侯相朝禮第四十一

邦國禮五之上

諸侯相朝義第四十二

邦國禮五之下

儀禮集傳集註目錄

覲禮

王朝禮一之上

朝事義

王朝禮一之下

厯數

王朝禮二之上

卜筮

秋

夏小正

王朝禮三之上

月令

王朝禮三之下

樂制

王朝禮四之上

樂記

王朝禮四之下

王制之甲

分土

王朝禮五

王制之乙

制國

王朝禮六

王制之丙

王禮

王朝禮七

王制之丁

王事

王朝禮八

王制之戊

設官

王朝禮九

王制之己

建侯

王朝禮十

王制之庚

名器上

王朝禮十一

王制之辛

名器下

王朝禮十二

王制之壬

師田

王朝禮十三

王制之癸

刑辟

王朝禮十四

附

乞修三禮劄子

臣聞之六經之道同歸而禮樂之用為急遭秦滅學禮樂先壞漢晉以來諸儒補緝竟無全書其頗存者三禮而已周官一書固為禮之綱領至其儀法度數則儀禮

乃其本經而禮記郊特牲冠義等篇乃其義疏耳前此
猶有三禮通禮學究諸科禮雖不行而士猶得以誦習
而知其說熙寧以來王安石變亂舊制廢罷儀禮而獨
存禮記之科棄經任傳遺本宗末其失已甚而博士諸
生又不過誦其虛文以供應舉至於其間亦有因儀法
度數之實而立文者則咸幽冥而莫知其源一有大議
率用耳學臆斷而已若乃樂之為教則又絕無師授律
尺短長聲音清濁學士大夫莫有知其說者而不知其

為闕也故臣頃在山林嘗與一二學者考訂其說欲以
儀禮為經而取禮記及諸經史雜書所載有及於禮者
皆以附於本經之下具列註疏諸儒之說略有端緒而
私家無書檢閱無人抄寫久之未成會蒙除用學徒分
散遂不能就而鐘律之制則士友閒亦有得其遺意者
竊欲更加參考別為一書以補六藝之闕而亦未能具
也欲望聖明特詔有司許臣就祕書省關借禮樂諸書
自行招致舊日學徒十餘人踏逐空閑官屋數間與之

居處令其編類雖有官人亦不繫衙請俸但乞逐月量
支錢米以給飲食紙札油燭之費其抄寫人即乞下臨
安府差撥貼書二十餘名候結局日量支犒賞別無推
恩則於公家無甚費用而可以興起廢墜垂之永久使
士知實學異時可為聖朝制作之助則斯文幸甚取進
止

欽定四庫全書

儀禮經傳通解卷一

宋 朱子 撰

家禮一之上

士冠禮

傳曰夫禮始於冠本於昏重於喪祭尊於朝聘和於

射鄉此禮之大體也

夫音扶朝直遙反始猶根也本猶幹也鄉飲酒

士冠禮

筮于廟門

筮市例反廟古廟字筮者以著問日吉凶於易也冠必筮日於廟

門者重以成人之禮成子孫也。廟謂禰廟不於堂者嫌著之靈由。廟神著音尸禰乃禮反。父廟也。疏曰著草之靈者易說卦云幽贊於神明而生著是也。易者周禮太卜掌三易一曰連山二曰歸藏三曰周易筮得卦以易辭占吉凶也。周易筮法用四十九著分之為二而掛一揲之以四歸奇於扚再扚而為一變合掛扚得五若四為少得九若八為多三變而成一爻三變皆少則為九而謂之老陽三變皆多則為六而謂之老陰兩多一少則為七而謂之少陽兩少一多則為八而謂之少陰皆畫地記之。九重六爻七單八折至十八變則得六爻而成一卦老者變而少者不變也不筮月者夏小正云二月綏多士女冠子取妻時也既有常月故不筮也。又曰經唯言父子兄弟不言祖孫鄭兼言孫者家事統於尊若祖在則為冠主故兼孫也。又曰凡儀禮之內單言廟者皆是禰廟若非禰廟則以廟名別之如聘禮言先君之祧又言祖廟是也。若天子諸侯皆冠於始祖之

廟故季武子云以先君之祧處之祧謂遷主所藏始祖廟也大夫雖無冠禮然有幼而冠者亦當與士同在襦也
主人玄冠朝服緇帶素鞶即位于門東西面
朝直遙反注同

後朝服放此緇側其反鞶音畢蔽膝也主人將冠者之父兄也玄冠委貌也朝服者十五升布衣而素裳也衣不言色者衣與冠同也筮必朝服尊著龜之道也緇帶黑緇帶也士帶博二寸再纁四寸屈垂三尺素鞶白韋鞶也長三尺上廣一尺下廣二尺其頸五寸肩革帶博二寸天子與其臣玄冕以視朔皮弁以日視朝諸侯與其臣皮弁以視朔朝服以日視朝凡染黑五入為緇七入為緇玄則六入與又曰古者田獵而食其肉衣其皮先以兩皮如鞶以蔽前後及後世聖人易之以布帛猶存其蔽前示不忘古尊祭服異其名曰黻
纁自陵反纁音了長直亮反廣古曠反凡度長短廣狹者皆放此視一作眡音同并皮彥反緇側留反與音餘
疏曰

云素裳者雖經不言裳然裳與韠同色既云素韠故知
裳亦積白素絹為之也又云衣不言色者禮之通例衣
冠同色其色異者經即別言之下云爵弁服純衣是也
又云筮必朝服尊著龜之道者此決冠時主人入席服
玄端爵韠此筮於廟門亦當服玄端而不服之乃服朝
服是尊著也然下文宿賓為期亦朝服者自是尋常相
見所服耳非特以此相尊敬也其特牲少牢並日與祭
同服者著龜不可尊於先祖也又云士黑緇帶者謂以
黑飾白緇帶也玉藻曰士練帶率下裨又言士緇裨率
與緇同謂緇緇也裨飾也蓋以練熟白緇單作帶體其
廣二寸而緇緇其兩邊又以緇飾其垂下之兩末與兩
邊也再繚四寸屈垂三尺者帶之垂者必反屈向上又
垂而下大夫則裨其屈與垂者士則惟裨其向下垂者
而不裨其屈者也又云頸五寸亦謂廣也頸中央肩兩
角皆上接革帶肩與革帶廣同此韠即韠也祭服謂之
黻朝服謂之韠也韠屨同色此素韠則白屨也又引天

子諸侯視朔視朝之服者以在朝君臣同服故以此證
玄冠朝服是諸侯之士也又云染黑以下周禮鍾氏文
無六入之文故
有司如主人服即位于西方東面北上

有司羣吏有事者謂主人之吏所自辟除府史以下也
今時卒吏及假吏皆是也辟必亦反卒子忽反假古

雅反疏曰士雖無臣皆有屬吏胥徒及僕隸故云羣
吏也府史以下謂周禮三百六十官之下皆有府史胥

徒不得君命主人自辟除去役賦補
置之者卒吏假吏又舉漢法為證也筮與席所卦者具

饌于西塾饌直轉反塾音孰筮所以問吉凶謂著也
所卦者所以畫地記爻易曰六畫而成卦饌

陳也其俱也西塾門外西堂也畫音獲爻戶交反
疏曰畫地記爻者依七八九六之爻用木畫地記之少

牢云卦者在左卦用木是
也今則用錢其法同耳布席于門中闢西闕外西面

關魚列反

音域

關門

壓也

閼閼也

古文

關為

禁閼

為蹇

壓其月

反閼

苦本

反蹇

魚列

反蹇

子六

反

疏

曰漢書

云高堂

生傳儀

禮十七

篇是

今文也

至武帝

之

末魯恭

王壞孔

子宅得

古儀禮

五十六

篇其字

皆以篆

書是為

古文也

古文十

七篇與

高堂生

所傳者

同而字

多不同

鄭注禮

之時以

今古二

字並之

從其強

者以所

從者在

經而於

注內疊

出其不

從

筮人執

筮抽上

韉

者若二

字俱合

則兩從

而互見

之也

筮人執

筮抽上

韉

者若二

字俱合

則兩從

而互見

之也

筮人執

筮抽上

韉

者若二

字俱合

則兩從

而互見

之也

筮人執

筮抽上

韉

者若二

字俱合

則兩從

而互見

之也

筮人執

筮抽上

韉

者若二

字俱合

則兩從

而互見

之也

筮人執

筮抽上

韉

者若二

字俱合

則兩從

而互見

之也

筮人執

筮抽上

韉

者若二

字俱合

則兩從

而互見

之也

筮人執

筮抽上

韉

者若二

字俱合

則兩從

而互見

之也

筮人執

筮抽上

韉

者若二

字俱合

則兩從

而互見

之也

筮人執

筮抽上

韉

者若二

字俱合

則兩從

而互見

之也

筮人執

筮抽上

韉

者若二

字俱合

則兩從

而互見

之也

筮人執

筮抽上

韉

者若二

字俱合

則兩從

而互見

之也

筮人執

筮抽上

韉

者若二

字俱合

則兩從

而互見

之也

筮人執

筮抽上

韉

者若二

字俱合

則兩從

而互見

之也

筮人執

筮抽上

韉

者若二

字俱合

則兩從

而互見

之也

筮人執

筮抽上

韉

者若二

字俱合

則兩從

命宰有司主政教者也自由也贊佐也命告也佐主人

告所以筮也少儀曰贊幣自左詔辭自右今按所

贊之辭未聞下疏云文不具也蓋當云某有筮人許諾

子某將以來日某加冠於其首庶幾從之

右還即席坐西面卦者在左還音旋後放此即就也

卦者有司主畫地識爻者也識音志疏曰筮法已

見上按少牢得主人命訖史曰諾西面于門西抽下韉

左執筮右執韉以擊筮遂述命乃釋韉立筮此亦宜

然但彼卿大夫禮有述命比士禮略故不述命耳又按

三正記大夫著五尺故立筮士卒筮書卦執以示主人

之著三尺當坐筮亦與彼異也

卒卑也書卦者筮人以方寫主人受眡反之反還也還音環

所得之卦也疏曰方版也

筮人還東面旅占卒進告吉旅衆也還與其屬共占之古文旅作臚

疏曰卜筮之法洪範七稽疑云擇建立卜筮人三人占從二人之言又金縢云乃卜三龜一習吉則天子諸侯卜時三龜並用於玉瓦原三人各占一兆也筮時連山歸藏周易亦三易並用夏殷以不變為占周易以變者為占亦三人各占一易卜筮皆三占從二三吉為大吉一凶為小吉三凶為大山一吉為小凶又喪禮亦云與其屬共占彼注云其屬謂掌連山歸藏周易者又卜葬日云占者三人注云占者三人掌玉兆瓦兆原兆者也少牢大夫禮亦云三人占則鄭意大夫卜筮同用一龜一易三人共占之矣今按少牢禮無此文未詳何據

若不吉則筮遠日如初儀

遠日句之外疏曰曲禮云句之內曰近某日句之

外曰遠某日彼據吉禮士甸內筮故云近某日特牲甸內筮日是也大夫以上禮甸外筮故言遠某日少牢筮甸有一日是也少牢又云若不吉則及遠日又筮如初鄭注云及至也遠日後丁若後已言至遠日又筮日

如初明不并筮則前月卜來月之上旬上旬不吉至上
旬又筮中旬中旬不吉至中旬又筮下旬下旬不吉則
止不祭祀也特牲不言及則可上旬之內筮不吉則預
筮中旬中旬不吉則又預筮下旬又不吉則止若此冠
禮亦先近日士冠禮亦於上旬之內預筮三旬不吉則
更筮後月之上旬以其祭祀用孟月不容入他月若冠
子則年已二十不可不冠故容入後月也此注所云遠
日旬之外自是當月上旬之內筮不吉更筮中旬與曲
禮文意小不同也橫渠張載曰祭之筮日若再不吉
則止諷日而祭更不筮据儀禮雖有筮遠日之文不云
三筮筮日之禮只是二筮先筮近日後筮遠日不從則
直諷用下旬遠日蓋亦足以致聽於鬼神之意而祀則
不可廢徹筮席徹去也斂也宗人告事畢宗人有司主禮者也

右筮日

主人戒賓賓禮辭許

戒警也告也賓主人之僚友古者有吉事則樂與賢者歎成之有凶

事則欲與賢者哀戚之今將冠子故就告僚友使來禮辭一辭而許也再辭而許曰同辭三辭曰終辭不許也

疏曰同官為僚同志為友廣戒僚友使來觀禮也

主人再拜賓答拜主人退賓

拜送

退去也歸也主人答拜乃請賓賓禮辭許主人再拜賓答拜主

人退賓拜辱鄉射亦然皆與此文不同此經文不具當依彼文為正但此不言拜辱者亦是不為賓已故也

右戒賓

辭戒賓曰某有子某將加布於其首願吾

子之教之也

吾子相親之辭吾找也子男子之美稱古文某為謀稱尺證反下之稱美稱

同疏曰布謂緇布冠也

賓對曰某不敏恐不能共事以病吾子

敢辭

共音恭 病猶辱也 古文病為秉

主人曰某猶願吾子之終教

之也賓對曰吾子重有命某敢不從

重直用反下同 敢不從許之

辭

疏曰周公設經直見行事恐失次第不言其辭今行事既終乃總見之也 今按諸辭本總見經後

故疏

云耳今卷分附

本章之左以從簡便

前期三日筮賓如求日之儀

前期三日空二日也筮賓其可使冠子者賢者恒

吉冠義曰古者冠禮筮日筮賓所以敬冠事敬冠事所以重禮重禮所以為國本 疏曰前期三日謂正加冠

日之前空二日之外也筮賓者謂於前所戒賓之中筮取吉者為加冠之正賓也凡取人之法宜先筮之今以

其賢恒自吉故先戒而後筮然既知其賢又必筮之者取其慎重冠禮事故鄭引冠義為證也又命筮雖無文

宰贊蓋云主人某為適子某加冠筮某為賓庶幾從之上章筮日與此皆不言命辭者文不具也今按前己廣戒衆賓此又擇其賢者筮之吉則宿之以為正賓不吉則仍為衆賓不嫌於預戒也

右筮賓

乃宿賓賓如主人服出門左西面再拜主人東面答拜宿進也宿者必先戒戒不必宿其不宿者為衆賓或悉來或否主人朝服為于偽反疏曰此云乃宿賓謂攝者傳主人辭入以告賓也又曰宿者必先戒若上文已戒賓今又宿之也戒不必宿即所戒之賓除正賓及贊冠者外但戒使知之而已後更不宿也云不宿者為衆賓或來或否者此決正賓與贊冠者戒而又宿不得

不來也知朝服者自上章朝服筮日至此無改服之文故也今按此云宿賓言主人往而宿之以目下事如

篇首言筮日于廟門後亦多有此例也主人方往宿時
擯者固當入告然此言乃為主入發不為擯者發也又
按不宿者為眾賓或悉來或否鄭注本謂正賓或時不
來則將不得成禮故雖已戒之而又宿之欲其必來其
非正賓則不更宿蓋但使為眾賓雖不悉來亦無闕
事也疏與音皆非是為只合作如字讀賓字句絕乃

宿賓賓許主人再拜賓答拜主人退賓拜送

乃宿賓者親相見致

其辭賓贊冠者一人亦如之

贊冠者佐賓為冠事者謂賓若他官之屬中士若下士也

宿之以筮賓之明日

疏曰佐賓為輕故不筮也言中士上士者據主人與賓皆是上士也贊者皆降一等取

之若賓主皆是下士則亦取下士為之禮窮則同也
今案佐賓雖輕亦必擇其賢而習禮者為之不來則亦

有闕故并宿之使必來也

右宿賓 辭宿曰某將加布於某之首吾子將莅之

敢宿賓對曰某敢不夙興

莅音利 莅臨也 今文無對

厥明夕為期于廟門之外主人立于門東兄弟在其南

少退西面北上其司皆如宿服立于西方東面北上

也宿服朝服 疏曰厥明夕謂宿賓贊之明日向莫時也為期為加冠之期也擯者請期宰告

曰質明行事擯必刃反 擯者在客曰介質正也宰告曰旦日正明行

冠事 介音界告兄弟及有司擯者告也 疏曰上文兄弟有司皆已在位此復告者禮取審

慎之 義也告事畢宗人告也擯者告期于賓之家

右為期

夙興設洗直于東榮南北以堂深水在洗東

直音值深申鴆反凡

度淺深曰深後並放此

夙早也興起也洗承盥洗者

棄水器也士用鐵榮屋翼也

周制自卿大夫已下其室為夏屋水器尊卑皆用金盥及大小異盥音管夏戶

雅反後同盥力同反

疏曰洗者盥手洗爵之時恐水穢地所用以承其棄水之器也士用鐵漢制也大夫則

用銅諸侯用白銀天子用黃金也榮即今之搏風謂之榮者言與屋為榮飾又言翼者與屋為翅翼也夏屋者

匠人夏后氏世室殷人重屋四阿鄭云四阿四注殷人始為四注則夏后重屋但兩下為之不四注矣故兩下

屋名為夏屋而鄭注檀弓又曰夏屋今之門廡也兩下為之亦舉漢制以況之也又曰卿大夫以下其室兩下

而周之天子諸侯皆四注故燕禮之洗當東霤鄭以為

人君為殿屋張大記升自東榮鄭以為天子諸侯當言東雷也金壘亦漢制然經直言水不言壘唯少牢云設壘水於洗東有枓鄭注云設水用壘沃盥用枓禮在此也此經之內或有尊無洗或尊洗皆有而又不言設之者文不具也今詳陳服于房中西墉下東領北上墉

注文壘下及字恐誤

今詳

陳服于房中西墉下東領北上

墉

疏曰冠時先用卑服北上便也

爵弁服纁裳純衣緇帶韎韐

纁許云反韎音

妹又母八反韐古洽反又音閤此與君祭之服雜記曰士弁而祭於公爵弁者冕之次其色赤而微黑如爵頭然或謂之緇其布三十升纁裳淺絳裳凡染絳一入謂之緇再入謂之緇三入謂之纁朱則四入與純衣絲衣也餘衣皆用布唯冕與爵弁服用絲耳先裳後衣者欲令下近緇明衣與帶同色韎韐緇韐也士緇韐而幽衡合韋為之士染以茅蒐因以名焉今齊人名韋為韎韐韐之制似韠冠弁者不與衣陳而言於上以冠名為服

耳今文纁皆作熏 纁七絹反染如琰反下二字同賴
丑貞反令力呈反近附近之近緼音溫又爲本反韞音
弗幽於糾反茅芒父反又音妹菴所畱反菴七見反
疏曰士禮玄端自笄以爵弁服助君祭故云與君祭之
服也凡冕以木為體長尺六寸廣八寸以三十升麻布
衣之上玄下纁前後有梳低前一寸二分故取其倨而
謂之冕其爵弁制大同唯為爵色而無梳又前後平故
不得為冕而其尊卑則次於冕也用布升數蓋取冠倍
之義朝服十五升故其冕為三十升也 染絳之法見爾
雅三染皆為淺絳四入為朱毛傳乃謂之深纁至五入
為緋七入為緇為染黑法乃見於考工記蓋以纁入黑
則為紺以紺入黑則為緋是其色亦多而黑少故以爵
頭為喻也朱則四入與者蓋言以纁入赤則為朱以無
正文故與以疑之也 鄭解純字或為絲或為緇者古緇
字以才為聲故緇紂二字並行而紂多誤為純鄭皆望
經為注也韞者韞旁著合故謂合韞為之又以韞染之

故曰韎韐也韠制已見上注韎亦如之但有飾無飾為異耳明堂位云有虞氏服韍夏后氏山殷火周龍章鄭

云後王彌飾天子備焉諸侯火而下卿大夫山士韎韐而己是士無飾不得單名韍一名韎韐一名緇韍故鄭

云韍之制似韠也鄭詩注曰韐天子純朱諸侯黃朱士緇韍者玉藻文也皮弁服素積緇帶

素韠此與君視朔之服也皮弁者以白鹿皮為冠象上用布亦十五升其色象焉辟必亦反下同要一逆反

疏曰玉藻云諸侯皮弁聽朔於太廟象上古者謂三皇時以白鹿皮冒覆頭鉤領遠項所謂未有麻絲衣其

羽皮者素白繒也喪服注云祭服朝服辟積無數唯喪服裳幅三

衣有數耳玄端玄裳黃裳雜裳可也緇帶爵韠此莫夕

服玄端即朝服之衣易其裳耳上士玄裳中士黃裳下士雜裳雜裳者前玄後黃易曰夫玄黃者天地之雜也

天主而地黃士皆爵韋為解其爵同不以玄冠名服者是為緇布冠陳之玉藻曰韋君朱大夫素士爵韋莫音幕朝直適反夫玄之夫音扶疏曰以其但正幅故得端名言莫夕於朝之服者玉藻大夫士朝玄端謂所以聽其家私朝之服也士向莫之時又以此服夕於君所其卿大夫之夕於君則自當朝服也然左傳云百官承事朝而朝夕則無事時亦可不夕也朝服之衣者指上章筮日之朝服易其裳者彼素裳而此易以三等之裳也所引玉藻之文彼注以為玄端之韋韋同裳色士裳三等爵亦雜色故同用之若然則大夫之玄端素韋則當為素裳乃與朝服不異禮窮則同也又曰不言革帶者大帶所以束衣革帶所以繫韋及佩舉韋則有革帶可知故畧不言也

今緇布冠缺項青組纓屬于缺

緇纓廣終幅長六尺皮弁弁爵弁弁緇組紱纁邊同篋

缺依注音類去葉反又音畦又屈絹反項于講反組音
祖屬章玉反注同纚山買反舊山綺反筭音雞絃音宏
篋苦協反缺讀如有類者弁之類緇布冠無筭者著
類固髮際結項中隅為四綴以固冠也項中有組亦由
固類為之耳今未冠筭者著卷幘類象之所生也滕薛
名國為類屬猶著纚今之幘梁也終克也纚一幅長六
尺足以韜髮而結之矣筭今之簪有筭者屈組為絃垂
為飾無筭者纓而結其條纁邊組側赤也同篋謂比以
上凡六物隋方曰篋著類著卷之著丁畧反綴丁衛
反組紀屈反卷去圓反國古內反猶著之著直畧反韜
本作史土刀反簪側金反上時掌反隋他果反狹而長
疏曰類項注皆無正文約漢制及以義言之耳云結
項中謂於項上結之也云隅為四綴以固冠者既武以
下別有類項明於首四隅為綴上綴於武然後類項得
安穩也云項中有組亦由固類為之者類之兩頭皆為
組別以繩穿組中結之然後類得牢固也漢時卷幘之

狀今不審知必以布帛圍繞髮際為之也云纚今之情
梁亦舉漢法以況至今久遠亦未審其狀也既云韜髮
乃云結之則是韜訖乃為紒也二弁之笄天子諸侯用
玉大夫士用象有笄謂之弁屈組為紒者謂以一條組
於左笄上繫定遠顙下右相向上仰屬於笄屈繫之有
餘則因垂為飾必屈繫者擬解時易為繫屬之也無笄
謂繼布冠纓而結其條者條即組也謂以二條組為纓
兩相屬於顙而下垂乃於顙下結之也組側赤者以繼
為中以纚為邊側而織之也六物謂頤項青組纓為一
物纚為二物二弁笄絃各一通為六物也隋謂狹而長
也

櫛實于簞

櫛莊乙反簞音丹簞笥也笥音嗣
疏曰鄭注曲禮云圓曰簞方曰笥而此云

一物者舉其類也

蒲筵二在南

筵席也者一冠

一醴也

疏曰二

側尊一甒醴

在服北有篚實勺觶角和脯醢南上

甒亡甫反篚方尾反勺上若反觶之

五

二

一

一

一

一

一

一

鼓反杓音四醢音海側猶特也無偶曰側置酒曰尊

側者無玄酒服北者纁蒙北也籩竹器如簋者勺尊升

所以斟酒也爵三升曰觶杓狀如匕以角為之者欲滑

也南上者籩次尊籩豆次籩古文甒作廡簋力呈反

斟九于反又音拘挹也廡音武甒音武甒曰勺即少牢所謂

料也韓詩外傳曰一升曰爵二升曰觶三升曰觶四升

曰角五升曰散對文有異散

文則通故鄭以爵名觶也爵弁皮弁緇布冠各一匱

執以待于西北南面東上賓升則東面匱素管反

弁者制如冕黑色但無纁耳周禮王之皮弁會五采玉

琪象邸玉笄諸侯及孤卿大夫之冕皮弁各以其等為

之則士之皮弁又無玉象邸飾緇布冠今小吏冠其遺

象也匱竹器名今之冠箱也執之者有司也站在堂角

古文匱為簠站為簠籩音早琪音其邸丁禮反簠素

管反又音簠簠以占反疏曰上文直舉冠以表服冠

實不陳故彼注畧而此注詳也爵弁制已見上纁合五
采絲為繩垂於延之前後以貫梳玉者也會縫中也琪
讀如綦謂結也皮弁之縫中每貫結五采玉十有二以
為飾卽下抵也以象骨為之各以其等見周禮注中此
不備載者但欲見士之皮弁無玉象之飾耳纁布冠士
為初加之冠冠訖則敝之不用庶人則常著之故詩云
臺笠緇撮是庶人以布冠常服者以漢之小吏亦常服
之故舉為況也玷在堂角者玷有二文若明堂位云崇
玷論語云反玷則在廟中以充圭
反爵此所言者則據堂角為名耳
履夏用葛玄端黑履
青絢纁純純博寸
允反
履九具反絢其于反纁於力反純章
纁者順裳色玄端黑履以玄
裳為正也絢之言拘也以為行戒狀如刀衣鼻在履頭
纁縫中紃也純緣也三者皆青博廣也縫扶用反紃
音旬緣以絹反
疏曰履順裳色者禮之通例衣與冠
同屨與裳同也以玄裳為正者以上士之服為正不取

下二等也。絢為行戒者，以拘者自拘持之意也。縫中紉謂牙底相接之縫，中有條紉也。緣謂繞口緣邊也。博寸謂純之。
素積白屨以魁柎之緇絢純純博寸
魁柎反。柎，蛤也。魁，柎注也。反，蛤音閭。疏曰：魁，反柎方。

于反。魁，蛤也。柎注也。反，蛤音閭。疏曰：魁，反柎方。即蜃蛤一物也。蜃為炭灰用之。柎注謂塗注於上使色。

也。**爵弁纁屨黑絢純純博寸**
爵弁，尊其屨飾以黑為飾。爵弁纁，纁次。

戶內反。案冬官畫纁之事云：青與白相次，赤與黑相次，玄與黃相次。鄭云：此言畫纁六色所象及布采之第。

次，纁以為衣。又云：青與赤謂之文，赤與白謂之章。白與黑謂之黼，黑與青謂之黻。鄭云：此言刺繡采所用繡以。

為裳。此是對方為纁次。比方為繡次。按鄭注：屨人云：複下曰舄。禪下曰屨。又注云：凡舄之飾如纁之次。凡屨之。

飾如繡之次者，即上黑屨以青為絢，純白屨以黑為絢。繡純則白，與黑黑與青為繡次之事也。今次爵弁纁。

也。

屨纁南方之色赤不以西方白為纁纁純者取對方纁次為飾舉舄者尊爵弁是祭服為纁纁純者取對方纁次為飾舉舄者尊爵弁是祭服故飾與冬皮屨可也疏曰冬時寒許用皮故曰可也春舄同也暑極時不屨總屨總音歲疏曰喪服有總衰四升有半明為言也總屨亦是喪屨又斬衰冠六升傳曰鉅而勿仄則總衰四升半不仄可知言此者見大功未可以冠子恐人遂以冠子故於屨末因禁之也三屨不與服同陳者屨在下不宜與服同列也今按此三屨以下本在辭後記前今移附此然經既不言屨所陳處注疏亦無明文疑亦在房中故既加冠而適房改服即得并易屨而出也但不知的在何處疑服既北上則或各在其裳之南也

右陳器服

主人立端爵韠立于阼階下直東序西面

阼才故反
立端士入廟

之服也作猶酢也東階所以答酢賓客也堂東西牆謂之序酢才各反疏曰特牲士禮祭服用立端此亦

士之加冠在廟故與祭同服直當也謂當堂上東序牆也兄弟畢袵立于洗東西

面北上

袵之忍反又之慎反又音真兄弟主人親戚也畢猶盡也袵同也立者立衣立裳也緇帶韠

位在洗東退於主人不爵韠者降於主人也古文袵為均也疏曰立衣立裳而緇帶韠是同立也主人當東

序洗當東榮兄弟又在洗東是退於主人也今按袵古文作均而鄭注訓同漢書字亦作均則是當從均均

為是矣但疏乃云當讀如左傳均服振振一也則未知其以袵字為均耶抑以袵音為振也集韻又釋均為戎

衣偏聚今亦未詳其擯者立端負東塾東塾門內東堂義姑記此以俟知者

曰擯者是中士若下士當服黃裳雜裳故別言玄端不言如主人服也今按三者玄端一也主人玄裳將緹兄弟玄裳緹緹者黃裳或雜裳而同用爵緹也將冠者采衣紒紒在房中南面紒音界采衣未冠者所服玉藻曰童子緹布衣錦緣錦紳并紐錦束髮皆朱錦也紒結髮古文紒為結緣以絹反紐女九反疏曰紳大帶之垂者并其紐皆以錦飾之束髮總也童子尚華故衣此今按漢書髻亦作結又以上下章考之則房戶宜當南壁東西之中而將冠者宜在所陳器服之東當戶而立也

右即位

賓如主人服贊者玄端從之立于外門之外

外門大門疏曰

賓與主人尊卑同故得同服

擯者告

告者出請入告

主人迎出門左西面再

拜賓答拜

左東也出以東為左入以東為右

主人揖贊者與賓揖先入

贊者賤揖之而已又與賓揖先入道之贊者隨賓道音導

每曲揖

周左宗廟入外門將東曲揖直

廟將北曲又揖

疏曰周左宗廟者祭義與小宗伯俱有此文對殷右宗廟也入大門而東則主人在南賓在北俱東向為一曲至廟門則主人在東賓在西俱北向為一曲為當將曲之時賓主皆相見故皆一揖通下將

為一曲為當將曲之時賓主皆相見故皆一揖通下將

入廟門揖為三也

至于廟門揖入三揖至于階三讓

入門將北曲揖將北

曲揖當碑揖碑彼宜反疏曰碑是庭中之大節故宜揖

主人升立于序端西面

賓西序東面

主人賓俱升立相鄉鄉許亮反又作嚮疏曰不拜至者冠子非為賓客故異於

鄉飲酒贊者盥于洗西升立于房中西面南上

盥於洗西由賓

階升也立于房中近其事也南上尊於主人之贊者古文盟皆作浣近附近之近浣户管反疏曰盟於洗西者按鄉飲酒主人盥於洗北南面賓盥於洗南北面各由其從來之便也贊亦從外來但卑不可與賓並故在洗西東面又向賓階為便注又以其與主贊並立于房中恐由作階故明其同於賓客也知與主贊並立者以言南上則非一人又與主贊俱是執勞役之事者也近其事者以其物皆在房中故不立于堂上而先入房並立以近其事也又主人尊敬賓之贊者故位在南面而居上也今詳贊者西面則負東墉而在將冠者之東矣

右迎賓

主人之贊者筵于東序少北西面

主人之贊者其屬中士若下士筵布席也

東序主人位也適子冠於阼少將冠者出房南面南面

北辟主人適丁歷反辟音避將冠者出房南面南面

房外之西待賓命疏曰知在房外之西者以房外之

東南當阼階故也今按此疏則阼階切近東序之西

正當房戶贊者奠纚笄櫛于筵南端也贊者賓之贊冠者

之東壁矣贊者奠纚笄櫛于筵南端也贊者賓之贊冠者

為節疏曰前章六物同篋櫛實于簞今將用之故取

置席南不言餘物及篋簞者皆來可知也又凡言主人

之贊者即如主人字今此賓揖將冠者將冠者即筵坐

不言故知是賓之贊者也賓揖將冠者將冠者即筵坐

贊者坐櫛設纚即就設施疏曰此二事皆

降賓辭主人對主人降為賓將盥不敢安位也賓盥卒

壹揖壹讓升主人升復初位揖讓皆壹者降於初古文

皆作一疏曰初位東

序端也

賓筵前坐正纓興降西階一等執冠者升一等東

面授賓

正纓者將加冠宜親之興起也降下也下一等升一等則中等相授冠緇布冠也疏曰按匠

人天子之堂九尺賈馬以為傍九等為階諸侯堂宜七尺則七等階大夫堂宜五尺則五等階士宜三尺則三等階故鄭以中等解之也賓右手執項左手執前進容乃祝坐如初

乃冠興復位贊者卒

復狀又反進容者行翔而前鶴馬至則立祝坐如初坐筵前興起

也復位西序東面卒謂設缺項結纓也疏曰右手執項謂冠後耳非頰項也翔謂行而張拱也

鶴與踰同容貌舒揚也

冠者興賓揖之適房服玄端爵韞出房南

面

復出房南面者一加禮成觀衆以容體復扶又反疏曰以其去童子之服著成人之服使衆觀知也

今按觀示
也宜古喚反

右始加 辭始加祝曰令月吉日始加元服

今按諸辭皆常

以古音讀之其韻乃叶服蒲北反 令吉皆善也元首也 棄爾幼志順爾成德

今按

順古與慎通用 壽考惟祺介爾景福

祺音其福叶筆勣反爾女也既冠為成德祺

祥也介景皆大也因冠而戒且勸之女如是則有壽考之祥大女之大福也 女音汝下同

賓揖之即筵坐櫛設筭賓盥正纓如初降二等受皮弁

右執項左執前進祝加之如初復位贊者卒紘

如初為不見者

言也卒紘謂繫屬之見賢通反屬音燭 疏曰冠者坐訖當脫緇布冠乃更櫛也弁有二種一是紒內安髮

之筭一是冕弁固冠之筭此未加冠而設筭明是安髮
筭也緇布冠亦宜有之彼言設纚而不言設筭恐與上
文兩弁之筭相亂又此章但言設筭而不言設纚則亦
可互見矣其皮弁固冠之筭則賓加弁時自設之可知
云不見者謂上章所
有而此章不言者也興賓揖之適房服素積素韞容出
房南面容者再加彌
成其儀益繁

右再加 辭再加之曰吉月令辰乃申爾服

服叶蒲北反辰子

丑也申重也

敬爾威儀淑慎爾德眉壽萬年永受胡福

叶福

筆勒反也遠無窮

胡猶遐也遠古文眉作麋

賓降三等受爵弁加之服纁裳韎韐其他如加皮弁之

儀

降三等下至地他謂卒絃容出

徹皮弁冠擲筵入于房

徹者贊冠者主人之贊者

為之疏曰冠緇布冠也爵弁則服之以受醴見母兄弟姑姊故不徹也賓贊者徹擲主贊者徹筵以其先設

還遣之也

右三加 辭三加曰以歲之正以月之令咸加爾服

服叶蒲北反 正猶善也咸皆也皆加女之三服謂緇布冠皮弁爵弁也 兄弟具在以成

厥德 厥黃者無疆受天之慶

者音苟慶叶音羌黃髮也考凍梨也皆壽

徹也疆竟 竟音敬又音景 髮白而復黃也凍梨面如凍梨之色也 疏曰黃

筵于戶西南面

筵主人之贊者戶西室戶西

贊者洗于房中側酌醴

加柶覆之面葉

洗盥而洗爵者昏禮曰房中之洗在北堂直室東隅僅在洗東北面盥側酌者

言無為之薦者

面前也葉柶大端贊酌者賓尊不入房古文葉為攜疏曰凡洗爵者先盥此經不具故注明

之又引昏禮者明房中有洗以洗爵也無為之薦者言還是此贊者自薦脯醢無他人也面葉者贊者面葉授賓賓得面枋授冠者冠者得之面葉扱醴而祭也

賓揖冠者就筵筵西南面賓

受醴于戶東加柶面枋筵前北面

枋彼命反戶東室戶東今文枋為柄

疏曰以冠者在室戶西賓自至房戶取醴贊者酌醴出向西授賓也

冠者筵西拜受解賓

東面答拜

筵西拜南面拜也賓還答拜於西序之位東面者明成人與為禮異於答主人疏曰異

於答主人者按鄉飲酒賓薦脯醢贊冠者即筵坐左於西階上北面答主人拜

執觶右祭脯醢以柶祭醴三興筵末坐啐醴捷柶興降

筵坐奠觶拜執觶興賓答拜

啐七內反捷初洽反又作捷柶捷柶柶於

醴中其拜皆如初古文啐為呼 醴始扱一祭又扱再祭也此啐醴不拜既爵者以其不

卒爵故也

右醴冠者

今按醴依下章注當作禮謂以醴禮之也

醴辭曰甘醴惟厚

嘉薦令芳

嘉善也善薦謂脯醢芳香也

拜受祭之以定爾祥承天

之休壽考不忘

休美也不忘長有令名

冠者奠觶于薦東降筵北面坐取脯降自西階適東壁

北面見于母

見賢通反下及注入見如見見于君贊見與見姑見母同薦東薦左凡奠爵將舉

者於右不舉者於左適東壁者出闌門也時母在闌門之外婦人入廟由闌門闌音韋宮中小門也疏曰

薦左據南面為正也將舉者謂若鄉飲酒鄉射是也不舉者此章及昏禮醴婦是也闌門見雜記彼注云宮中

之門曰闌門為相通者是也母拜受子拜送母又拜婦人於丈夫雖其子猶俠拜俠

古決反

右冠者見母

賓降直西序東面主人降復初位初位初至階讓升之位冠者立

于西階東南面賓字之冠者對對應也其辭未聞應對之應疏曰冠義

云冠而字之成人之道也見於母母拜之似字訖乃見母其實未字先見母既字乃見兄弟急於母緩於兄弟也記人以下有兄弟之等皆拜之故退見母於下使文近也

右字冠者 字辭曰禮儀既備令月吉日

備叶筆昭力反

告爾字爰字孔嘉

昭字叶音滋嘉叶居之反

髦士攸

宜宜之于假

假古雅反叶音古髦俊也攸所也于猶為也假大也宜之是為大矣今按

假恐與蝦同福也注說非是

永受保之曰伯某甫仲叔季唯其所

當

伯仲叔季長幼之稱甫是丈夫之美稱孔子為尼甫周大夫有嘉甫宋大夫有孔甫是其類甫字或

作父長丁丈反父音甫 疏曰某甫者若云尼甫嘉甫也伯仲叔季若兄弟四人則依次稱之夏殷質

則稱仲周文則稱叔若管叔蔡叔是也殷質二十造
字之時便兼伯仲叔季稱之周文造字時未呼伯仲
至五十乃加而呼之故檀弓云幼名冠字五十以伯
仲周道也若孔子始冠但字尼甫至年五十乃稱仲
尼是也今按檀弓孔疏云人年二十冠而加字如
曰伯某甫者年至五十者父轉尊則又舍其某字而
直以伯仲別之與此
賈疏不同疑孔說是

賓出主人送于廟門外

不出外門
將醴之

請醴賓賓禮辭許賓

就次

此醴當作禮禮賓者謝其自勤勞也次門外更衣
處也以帷幕簟席為之

處昌慮反疏曰此當

為上於下之禮不得以用醴之故便名曰醴如周禮天
子禮諸侯用鬯亦不名為鬯賓故鄭破醴為禮也次者
舍之名云更衣處者以行禮衣服或與常服不同故須
入次更易也聘禮云次以帷周禮注云帷以布為之此

士卑故或用簾席也今按醴冠者章言醴者皆指其物而言故注不改字此醴與醴冠者之醴同義故改之
下章醴賓亦此義故不重出

右賓出就次

冠者見於兄弟兄弟再拜冠者答拜見贊者西面拜亦

如之

見贊者西面拜則見兄弟東面拜贊者後賓出後戶豆反疏曰兄弟位在東方贊者則賓之類

故東面也亦如之者言贊者先拜而冠入見姑姊如見者答之也贊者後出亦當就次侍禮也

母

入入寢門也廟在寢門外如見母者亦北面姑與姊亦俠拜也不見妹妹卑

右冠者見兄弟姑姊

疏曰不見父與賓者蓋冠畢則已見可知故不言

乃易服服玄冠玄端爵韠奠摯見于君遂以摯見於鄉

大夫鄉先生

摯亦作贄音至易服不朝服者非朝事也摯難也鄉先生鄉中老人為鄉大夫致

仕者疏曰以爵弁是助祭之服不可服見君與先生等故易服也玄端則兼玄冠矣今更言者以初冠時服玄端為加緇布冠之服緇布冠冠而弊之故易玄冠以配玄端也鄉先生即鄉飲所謂先生書傳所謂父師也亦有士之少師鄭以經但言鄉大夫故畧不言也

右奠摯於君及鄉大夫鄉先生

乃醴賓以壹獻之禮

壹獻者主人獻賓而已即燕無亞獻者獻酢酬賓主人各兩爵而禮

成特牲少牢饋食之禮獻尸此其類也士禮一獻卿大夫三獻禮賓不用枲者泝其醴內則曰飲重醴清糟稻

醴清糟黍醴清糟梁醴清糟凡醴事質者用糟文者用
清少詩照反泝子禮反糟子曹反疏曰此醴亦當
為禮文不具也特牲少牢主人獻尸主婦亞獻為二獻
此則主人獻賓而已故無亞獻鄉飲酒末有燕故知獻
後有燕主人獻賓賓酢主人主人將酬賓先自飲訖乃
酬賓賓奠而不舉是賓主人各而爵而禮成也昏禮舅
姑饗婦以一獻之禮婦酢舅而奠酬是備有酬酢也特
牲少牢各一爵而有亞獻此賓主各而爵而無亞獻雖
少不同義類同也士禮一獻者左傳季孫宿云得既不
過三獻又郊特牲云三獻之介亦謂卿大夫也大行人
云上公九獻侯伯七獻子男五獻是以大夫三獻士一
獻此其差也醴賓不用枘者泝其醴者醴子則不泝故
用枘也飲目諸飲也重倍也糟醇也清泝也致飲有此
二種皆重設之稻醴以下是也質者用糟謂若醴子之
類是也今按注不言主人酬賓束帛儷皮儷音麗
改字說見上非不具也

從之以財貨曰酬所以申暢厚意也束帛十端也僎皮
兩鹿皮也古文僎為離飲於鵠反疏曰凡酬幣之

法尊卑獻數多少不同及其酬幣唯於奠酬之節一行
而已春秋秦后子出奔晉享晉侯歸取酬幣終事八反

杜注云備九獻之儀始禮自齋其一故續送其八酬酒
幣彼九獻之間皆有幣春秋之代奢侈之法非正禮也

贊者皆與贊冠者為介

與音預贊者衆賓也皆與亦
飲酒為衆賓介賓之輔以贊為

之尊之飲酒之禮賢者為賓其次為介今賓出主人
詳贊者謂主人之贊者也恐字誤作衆賓耳

送于外門外再拜歸賓俎

一獻之禮有薦有俎其牲
未聞使人歸諸賓家也

右醴賓

今按此章以上正禮
已具以下皆禮之變

若不醴則醢用酒

醢子名反若不醴謂國有舊俗可
行聖人用焉不改者也曲禮曰君子

行禮不求變俗祭祀之禮居喪之服哭泣之位皆如其國之故謹脩其法而審行之是也酌而無酬酢曰醺醺亦當為禮也此不醺而醺用酒者夏殷法也酌無酬酢位者周法也此不醺而醺亦無酬酢而不名醺者醴是太古之物質宜無酬酢酒則宜有酬酢故以其無酬酢而名醺取醺盡之義也今按不醺而醺乃當時國俗不同有如此者如魯衛之幕有緣布衽有離合皆周禮自不同未必夏殷法也記注所云若以杞宋二代之後及它遠國未能純用周禮者言之則或可通然亦未有明文可考也此注又言改字尊于房戶之間兩瓶有禁玄者上下文異故須別出也

酒在西加勺南枋

房戶間者房西室戶東也禁承尊之器也名之為禁者因為酒戒也玄酒

新水也雖今不用猶設之不忘古也疏曰上文醴不言禁者醴非飲醉之物故不設戒也此用酒酒是可飲

之物恐醉因而禁之故云因為酒戒上洗有筐在西南

古無酒今雖有酒猶設之是不忘古也

順洗庭洗當東榮南北以堂深簋亦以盛勺解陳於洗

西南順北為上也盛音成疏曰用醴之時醴尊

在房故洗亦在房今醴用酒與常飲酒同故洗亦當在

庭北為上者席據識之先後為首尾此簋亦云上者應

亦有記識始加醴用脯醢賓降取爵于筐辭降如初卒

為上下也

洗升酌始加者言一加一醴也加冠於東序醴之於戶

將自酌也辭降如初如將冠時降盥辭主人降也凡薦

出自東房疏曰將自酌著決前用醴時贊者酌以授

賓賓不親酌此則賓親酌酒洗爵故有升降也今按

始如二字乃疊見前始加緇布冠一章之禮醴用脯醢

乃題下事其實賓答拜後乃薦之也

賓升酌時冠者猶在出房南面之位冠者拜受賓答拜

儀禮經傳通解

三

如初

贊者筵於户西賓升揖冠者就筵乃酌冠者南面拜受賓授爵東面答拜如醴禮也於賓答拜贊者

則亦薦之

冠者升筵坐左執爵右祭脯醢祭酒興筵末坐啐

酒降筵拜賓答拜冠者奠爵于薦東立于筵西

冠者立俟賓命

賓揖之則就東序之筵

疏曰此與用醴行事一同但

立于席西為異耳俟賓命者為更加皮弁也

今按此

正醴禮也下兩醴及後章三醴

徹薦爵筵尊不徹

徹薦與爵

凡言如初者皆謂如此禮也

者辟後加也不徹筵尊三加可相因由便也

便婢面

初是除酒相因外薦爵皆更設而

加皮弁如初儀再醴攝酒其他皆如

攝酒其他皆如初

攝猶整也整酒謂撓之今文攝為聶撓奴高反聶女輒反疏曰撓謂

撓攪添盆整頓示新也一醺徹脯醢為辟再醺之脯醢
至再醺不言徹脯醢者以三醺上唯加俎不加籩豆故
不徹薦直徹爵而已祝辭三醺不言嘉薦直言籩豆是
明文也今按此如初儀者如前再加一章之儀也下
條放此再醺攝酒其他皆如初言加爵弁如初儀三醺
唯攝酒異於始醺其他皆如之也

有乾肉折俎齊之其他如初折之設反齊才計反乾
為俎齊嘗之疏曰齊謂至齒嘗之按下若殺再醺不

言攝此經再醺言攝三醺不言攝則再醺之後皆有攝
立文以見義也又周禮腊人鄭注云大物解肆乾之謂
之乾肉若今梁州鳥翅矣薄析曰脯捶之而施薑桂曰
脍脩若然乾肉與脯脩別言之今梁州鳥翅者或為豚
解而七體以乾之謂之乾肉及用之將升于俎則節折
為二十一體故摠名乾肉折俎也陳祥道曰肱骨三
肩臂肱也股骨三肱胫骨也脊骨三正脊胛脊橫脊也

脊骨三代脊長脊短脊也正脊之前則膂也肱之上則
 髀也然則左右肱之肩臂膂與左右股之肱膂而為
 十有二脊骨三與左右股骨六而為九二肱正祭不為
 於神尸主人之俎兩髀不升於主人主婦之俎膂不升
 於吉祭之俎則祭之所用者去髀膂而二十有一去二
 穀而為十九矣國語曰禘郊之事則有全胥王公立飫
 有房胥親戚燕飲有穀胥則全胥豚解也房胥體解也
 穀胥骨折也士喪禮持豚四髀云蹄兩胎脊既夕鼎實
 羊左胖亦如之然則四髀者殊左右肩髀而為四又兩
 胎一脊而為七此所謂豚解也若夫正祭則天子諸侯
 有豚解體解禮運曰腥其俎熟其胾體其犬豕牛羊腥
 其俎謂豚解而腥之為七體熟其胾謂解之爛之為二
 十一體是也大夫士有體解無豚解以其無朝踐獻腥
 之禮故也今按豚解之義陳說得之二十一體則折
 脊為三曰正脊曰脰脊曰橫脊兩胎各三曰代脊曰長
 脊曰短脊凡六兩肱各三曰肩曰臂曰膂凡六兩股各

三曰髀曰肫曰胙凡六通為二十一體凡牲與腊方解割時皆是如此但牲則兩髀以賤而不升於正俎耳故少牢禮具列自髀以下凡二十一體但髀不升耳而鄭氏注云凡牲體之數備於此初不及他體也況此言腊則又不殊賤也而周禮內饗及此經昏禮兩疏皆言二十一體乃不數兩髀而不計其數之不足蓋其疎略至少牢疏及陳祥道乃去髀而以兩肫足之蓋見此經後篇猶有肫及兩肫可以充數然欲盡取之則又衍其一故獨取兩肫而謂肫非正體若果如此則肫亦非正體又何為而取之耶此其為說雖巧而近於穿鑿不可承用又按初儀見上三醢唯攝酒及有北面取脯見于乾肉折俎齊之為異其它皆如始醢也

右醢 醢辭曰旨酒既清嘉薦亶時

亶丁但反時一作皆亶誠也

古文亶為痺始加元服兄弟具來孝友時格永乃保

之

來叶力之反善父母為孝善兄弟為友時共也格至也永長也保安也行此乃能保之今文格為

黼

凡醺者不祝黼疏曰凡醺謂庶子冠者

再醺曰旨酒既湑嘉薦

伊脯

湑思呂反清也伊惟也

乃申爾服禮儀有序祭此嘉爵

承天之祜

祜音戶與序並上聲祜福也

三醺曰旨酒令芳籩豆有

楚

旨美也陳列之貌

咸加爾服肴升折俎

肴升折俎亦謂胾

承天之

慶受福無疆

慶叶音尾

若殺則特豚載合升離肺實于鼎設局鼐

殺如字肺芳味反局古螢

反鼎杠也鼎亡歷反鼎覆也特豚一豚也凡牲皆用
左胖養於鑊曰亨在鼎曰升在俎曰載載合升者明亨
與載皆合左右胖離割也割肺者使可祭也可齊也今
文高為鉉古文鼎為宐胖番半反鑊戶郭反亨普庚
反鉉玄犬反疏曰此論夏殷殺牲醺子之事也若者
不定之辭也升載之法載在後升在前今先言載後言
升又合字在載升之間者通言之欲見在俎在鑊俱曰
合也鼎者以茅覆鼎長則束其本短則編其中扁牛鼎
大高長三尺脚鼎小扁長二尺皆依漢禮而知今此豚
鼎當用小扁也周禮少牢特牲鄉飲鄉射皆用右胖唯
虞禮喪祭反吉故用左此云用左胖或據夏殷之法也
特牲云亨于門外注云亨以鑊是鑊為亨也昏禮合升
側載特牲卒載加七少牢升羊實于一鼎是在鼎曰升
在俎曰載也然在俎亦謂之升如云升羊載右胖是也
陳氏曰豚則吉凶皆合升用成牲則升其胖而去髀
吉升右而凶升左脊脅六而肱股五為十一體也疏

又曰凡肺有二種一者舉肺一者祭肺就舉肺之中復有三稱一名舉肺為食而舉二名離肺少儀云三牲之肺離而不提心也三名齎肺以齒齎之此三者皆懷生人為食而有也就祭肺之中亦復有三稱一者謂之祭肺為祭先而有之二者謂之付肺切之使斷三者謂之切肺名雖與付肺異實則同也三者皆為祭而有今按付亦作判疑即始醢如初亦薦脯醢徹薦爵筵尊不切字寫誤為二耳

再醢兩豆葵菹羸醢兩籩栗脯

羸力禾反羸醢蟪也

蟪音移蟪音俞一音由蝸力禾反又古華反疏曰此增數者為有殺牲故盛其饌也按鄭注周禮醢人云細切為醢全物若膳為菹作醢及鷄者先膊乾其肉乃後莖之雜以梁麴及鹽漬以美酒塗置甑中百日則成矣是作醢及菹之法也今案再醢唯攝三醢攝酒如再酒加籩豆為異不言如初者可知也

醺加俎齊之皆如初齊肺

攝酒如再醺則再醺亦攝之矣加俎齊之齊當為祭字之

誤也祭俎如初如祭脯醢疏曰祭先之法祭乃齊之又不宜有二齊故注破加俎之齊為祭也今按初謂上章之始醺也上章及此三醺兩節但皆攝酒齊俎為異而其它皆如初則祭已在其中矣故注於上章三醺初不改字於此蓋誤改之疏又妄為之說皆非也但上章之俎無肺而此有肺故又特言所齊者肺而不嫌於複出則此齊字當從本文為是陸氏亦云齊讀如字齊肺釋上齊之為齊肺也凡言之法多此類

卒醺

取籩脯以降如初

右殺

若孤子則父兄戒宿

父兄諸父諸兄父諸兄非已之親

疏曰諸父兄也

冠之日

主人紒而迎賓拜揖讓立于序端皆如冠主禮於阼

冠主

冠者親父若宗兄也古文紒為結今文禮作醴凡拜北面于阼階上賓亦北面

于西階上答拜若殺則舉鼎陳于門外直東塾北面

孤子

得申禮盛之父在有鼎不陳於門外疏曰凡陳鼎在外者賓客之禮也在內者家私之禮也是在外者為盛也

右孤子冠

疏曰周公作文於此乃見之者欲見周與夏殷孤子冠禮皆同其與上異者乃記之耳

若庶子則冠于房外南面遂醮焉

房外謂尊東也不於阼階非代也不醮於

客位成而不尊疏曰適子周冠一醴夏殷三醮庶子無文周當一醴夏殷當三醮又庶子醮不見祝辭即前

注云凡醺者不祝也。今詳疏說恐非。蓋一醺以酒者正也。其用醴與三醺為適而加耳。庶子則皆一醺以酒矣。足矣。

右庶子冠

冠者母不在則使人受脯于西階下

疏曰案內則云舅沒則姑老若死當

云沒不得云不在且母死則不得使人受脯今言不在者或歸寧或疾病也使人受脯為母生在於後見之也。今詳經云不在恐兼存沒而言若被出而嫁亦是也。蓋主人若非宗子則固有無主婦者此云使人未必母使之也。又昏禮使者授人脯之後又執以反命則此使人受脯之後亦必更有禮節但文不具不可考耳。

右母不在

女子十有五年許嫁笄而字雖未許嫁年二十而笄禮

之婦人執其禮

雖未許嫁年二十亦為成人矣禮之酌以成人言婦人執其禮明非許嫁之笄

疏曰賀瑒云十五許嫁而笄則主婦及女賓為笄禮主婦為之著笄而女賓以醴禮之也未許嫁而笄則婦

人禮之無女賓不備儀也今案賀說得之然有未盡許嫁笄則主婦當戒外姻為女賓使之著笄而遂禮之

未許嫁而笄則不戒女賓而自以家之諸婦行笄禮也

燕則髻首

髻音權既笄之後去之猶若

女有髻紒也 髻丁果反 疏曰既未許嫁雖已笄猶以少者處之故既笄之後尋常在家燕居則復去笄而

分髮為髻紒也

右女子笄

雜記補此篇之末本有記一章今考之皆見於家語邾隱公篇而彼詳此畧故今

於此刪去而取彼文修潤
以附冠義記說見昏禮篇

家禮一之下

冠義

傳曰禮之所尊尊其義也

言禮所以尊
尊其有義也

失其義陳其

數祝史之事也故其數可陳也其義難知也知其義

而敬守之天子之所以治天下也

言政之要盡於禮
之義今按此蓋

秦火之前典籍具備之時之語固為主論然非得其
數則其義亦不可得而知矣況今亡逸之餘數之存
者不能什一則尤不可以
為祝史之事而忽之也

凡人之所以為人者禮義也禮義之始在於正容體齊

顏色順辭令

言人為禮以三者為始

容體正顏色齊辭令順而后

禮義備以正君臣親父子和長幼

言三始既備乃可求以三行也

君臣

正父子親長幼和而后禮義立

立猶成也

故冠而后服備服

備而后容體正顏色齊辭令順

言服未備者未可求以三始也童子之服采衣

紒故曰冠者禮之始也是故古者聖王重冠古者冠禮

筮日筮賓所以敬冠事敬冠事所以重禮重禮所以為

國本也

國以禮為本

故適子冠於阼以著代也醮於客位加

有成也三加彌尊喻其志也冠而字之敬其名也

著張慮反

作謂東序少北近主位也適子冠於阼若不醴則醢用酒於客位敬而成之也戶西為客位庶子冠於房戶外又因醢焉不代父也冠者初加緇布冠次加皮弁次加爵弁每加盆尊則志益大也敬其名者重以未成人之時呼之也今按此本無適子字加有成也在彌尊字下冠而上有己字敬其名作成人之道蓋傳誦之訛也家語以為孔子之言亦有誤字今以後記郊特牲文更定後因不復重出見於母母拜之

見於兄弟兄弟拜之成人而與為禮也立冠立端奠摯

於君遂以摯見於鄉大夫鄉先生以成人見也

鄉先生同鄉老

而致仕者服立冠立端異於朝也孔疏曰按儀禮廟中冠子以酒脯奠廟訖子持所奠酒脯以見於母母拜

其酒脯重從尊者處來故拜之非拜子也
今按疏說非本文正意恐不然也成人之者將責

成人禮焉也責成人禮焉者將責為人子為人弟為人

臣為人少者之禮行焉將責四者之行於人其禮可不

重與

行下孟反之不可以苟

言責人以大禮者已接今按首句之字疑衍

故孝弟忠順

之行立而后可以為人而后可以治人也故

聖王重禮故曰冠者禮之始也嘉事之重者也是故古

者重冠重冠故行之於廟行之於廟者所以尊重事尊

重事而不敢擅重事不敢擅重事所以自卑而尊先祖

也

治直吏反 嘉事嘉禮也冠屬嘉禮 今按此篇所引禮文皆見於前篇注疏已具今不復出後篇故此

邦隱公既即位將冠使大夫因孟懿子問禮於孔子

子曰其禮如世子之冠

今按此下本有冠於阼以下四句與上章同而有誤字又與上

下文無所屬疑記者妄附益之今刪去

雖天子之元子猶士也其禮無變

天下無生而貴者故也

鄭曰皆由下升 今按此明世子之冠猶士禮也然疑句上有

懿子問世子之冠如何一節及子曰字今亡句下有無大夫冠禮一節今錯在後記及郊特牲篇中然亦有闕

文此下舊有行冠事必於祖廟以裸享之禮將之以金石之樂節之係左傳文又有所以自卑而尊先祖示不

敢擅一節已見上文皆與此上下文不相屬 懿子曰天亦記者妄附必損益之然後下文意乃相屬 懿子曰天

子未冠即位長亦冠乎孔子曰古者王世子雖幼其即位則尊為人君人君治成人之事者何冠之有懿子曰

然則諸侯之冠異天子與

王肅曰怪天子無冠禮而諸侯之冠如世子之冠故問之

孔子曰君薨而世子主喪是亦冠也已人君無所殊也

王曰諸侯亦人君與天子無異

懿子曰今邾君之冠非禮也

王曰懿子言諸侯無

冠則邾君之冠非也

孔子曰諸侯之有冠禮也夏之末造也

鄭曰造作

也自夏初以上諸侯雖父死子繼年未滿五十者亦服士服行士禮五十乃命也至其衰末上下相亂篡殺所由生故作公侯冠禮以正君臣也坊記曰君不與同姓同車與異姓同車不同服示民不嫌也以此坊民民猶

得同姓以殺其君

有自來矣今無譏焉

王曰言有所從來故今無所譏

天子冠

者武王崩成王年十有三而嗣立周公居冢宰攝政以

治天下明年夏六月既葬

王曰周書曰歲十有二月武王崩元年六月葬

冠成

王而朝于祖以見諸侯示有君也周公命祝雍作頌曰

達而勿多也

本篇作達而未幼今從大戴記鄭曰辭多則史少則不達

祝雍辭曰

使王近於民

王曰常得民之心也

遠於年

王曰言壽長

嗇於時

嗇愛也愛於時

不以無事棄日也

惠於財

施舍不吝也

親賢而任能其頌曰令月吉

日王始加元服去王幼志心是袞職

袞天子之盛服袞職謂天子之職業

也是字本闕今補
或曰當作一心

欽若昊天

王曰欽敬若順

六合是式

王曰天地四方

謂之六合言
為之法式

率爾祖考永永無極此周公之制也

今按天子

冠者至此一節懿子不問
而夫子自言疑非本文

懿子曰諸侯之冠其所以為

賓主何也孔子曰公冠則以卿為賓公自為主迎賓揖

升自阼立于席北

公堂深異於士今按大戴無北字

其醴也則如士饗

之以三獻之禮

鄭曰饗賓也士於賓以一獻之禮今按大戴禮無其醴也三字

無介

鄭曰於饗而贊冠者退為
衆賓者君禮於臣本無介

無樂鄭曰亦饗時也冠者成人代父始宜盡孝子之

感不可以歡樂取之孔子曰取婦之家三日不舉樂思
嗣親也然則冠禮一舉樂可也春秋左氏傳曰以金石

之樂節之謂
冠時為節也
皆玄端
鄭曰君臣同服
既醴降自阼諸侯非公而

自為主者其所以異皆降自西階
今按大戴作其餘自

階以異其餘皆公同也但
為主而降西階未詳其義
玄端與皮弁
王曰玄端緇布冠之服皮弁自

服其服也
今按大戴
異朝服素韠
王曰朝服素韠示不忘古今按大

作公玄端與皮弁皆韠
戴無異字疑
公冠四加玄冕祭
王曰公冠四加玄冕祭服鄭注大戴禮曰四當

或是皆字
為三玄當為袞字之誤孔疏曰諸侯尚四加則天子當
五加袞冕也
今按本文但言玄端皮弁玄冕而不言

爵弁則三加鄭說為是而諸侯玄冕以其酬幣于賓則
祭則當從本文唯天子三加其袞冕與其酬幣于賓則

束帛乘馬

王曰己冠而饗既饗與賓幣謂之酬幣今按大戴作朱錦采四馬其慶也鄭注云其慶

賓也天子擬焉太子與庶子其冠皆自為主其禮與士

無變饗食賓也皆同

王曰擬諸侯禮今按此一節見於大戴記者與此文小異今從其

長者無介乃饗時事本篇在卿為賓之下又無無樂皆玄端五字及注又天子以下至冠皆十二字本篇作王太子庶子之冠擬焉皆天子今悉從大戴蓋如此即畧與上文天子之冠相應但亦非懿子所問為可疑耳

懿子曰始冠必加緇布之冠何也孔子曰示不忘古大

古冠布齊則緇之其緌也吾未之聞

緌如誰反下同唐虞以上曰太古

重古始冠冠其齊冠雜記曰大白緇布之冠不緌大白即白布冠今喪冠也齊則緇之者鬼神尚幽闇也緌纓飾太古質蓋亦無飾非時人緌故云未聞之於古上時掌反疏曰皇氏云齊則緇之亦謂祭前若祭時自

著祭服則有虞氏皇而祭是也太古吉凶同服三代改制齊冠有牟追之等則以白布為喪冠當自夏禹以下

也今則冠而弊之可也孔疏曰後世不復用之以為齊冠但初加暫用冠罷則弊棄之

也賈疏曰冠而弊之據士而言若庶人則猶著之故詩云彼都人士臺笠緇撮是庶人用緇布冠籠其髮以

為常服也懿子曰三王之冠其異何也孔子曰周弁殷冏夏

收一也冏况甫反弁名出於幪幪覆也言所以自覆飾也收大也冏名出於於幪幪覆也言所以自覆飾也收

言所以收斂髮也齊所服而祭也其制之異未聞樂畔干反幪火吳反疏曰此條蓋論第三所加之冠指

爵弁而言也樂幪收斂之義無正文皆鄭以意解之孔疏曰齊及祭時所服也若三命以下齊祭同冠四命

以上齊祭則異三王共皮弁素積所加之冠疏曰此條論第二

其質素故三王同
之無所改易也

委貌周道也章甫殷道也毋追夏后

氏之道也

或謂委貌為玄冠委猶安也言所以安正容貌章明也殷質言以表明丈夫也甫或為父

今文為斧毋發聲也追猶堆也真后氏質以其形名之三冠皆所常服以行道也其制之異同未之聞孔疏

曰此一條論始加之冠三代常所服者皆用緇布但周為委貌之形殷為章甫之形夏為毋追之形為不同耳此云委貌而儀禮記稱玄冠故云或也行道謂養老燕飲燕居之服家語冠頌今按此章與儀禮後記郊

特牲公冠篇多
同今從其長者

始冠緇布冠自諸侯下達冠而弊之

可也

疏曰從諸侯達諸士始冠皆用之

玄冠朱組纓天子之冠也緇布

冠續緇諸侯之冠也

續戶內反注繪同皆始冠之冠也玄冠委貌也諸侯緇布冠有緇

尊者飾也續或作繪縷或作蕤疏曰諸侯緇布冠
唯續縷為異其頰項青組纓等皆與士同玉藻

無大夫冠禮而有其昏禮古者五十而后爵何大夫冠

禮之有

據時有未冠而命為大夫者周之初禮年未五

禮二十而冠急成人也五十乃爵重官人也大夫或時
改取有昏禮是也疏曰大夫始仕者二十已冠訖五

十乃爵命為大夫故大夫無冠禮然按喪服大夫為兄
弟之長殤降服小功鄭云謂為士若不仕者明其或亦

為大夫則不為殤而降也蓋小記云丈夫冠而不為殤
此兄殤者既有德行年未二十而得為大夫則是大夫

亦不以二十而始冠也若諸侯則魯襄公年十二而冠
事見左傳若天子則尚書啓金縢時成王年十五而云

王與大夫盡弁則知天子亦十二而冠矣若天子之子
則祭法有天子下祭殤五之文是年十九以下尚為殤

故知二十乃冠也

後記

今按此一節疑本亦郭隱

公章內語說已見上疏引喪服之文見大夫而有兄殤

又其兄若為大夫則不降服則知其身與兄皆未二十

矣是不必五十乃為大夫也蓋其得為大夫之時已治

成人之事或已因喪而冠如家語所說人君之例故不

待二十而冠也賈意當是如此而詞不別白故為刪潤

而發明之然此亦為繼世為大夫者言耳非謂以賢才

而選者也孔穎達云天子之子皆早冠以其有下祭殤

五蓋謂若不早冠則無玄孫之殤也諸侯之子則二十

而冠以其有適長殤之文也與賈說不同未知孰是

繼世以立諸侯象賢也
象法也為子孫能法先
以官

爵人德之殺也
殺猶哀也德大者爵以死而諡今也古

大官德小者爵以小官

者生無爵死無諡
今謂周衰記之時也古謂殷殷士生

不為爵死不為諡周制以士為爵死

猶不為諡耳。下大夫也。今記之時士死則諡之。非也。諡之由魯莊公始也。今按此於冠義無所當疑。錯簡也。然疏義亦非。是此蓋老子不尚賢貴因任之意。言上古之時民各推其賢者奉以為君。沒則復奉其子以繼之。其後遂以為諸侯。然其子之立也。但象似其賢而已。非故擇賢而立之也。至於中古乃在上者擇人任官而為之。爵等此則德之衰。殺不及上古之時矣。又至於周而有諡法。則生而有爵者死又加諡。此則又其殺也。上古民自立君。故生無爵。中古未有諡法。故須有爵而無諡。又以申言古今之變也。

曾子問曰將

冠子冠者至揖讓而入聞齊哀大功之喪如之何

齊音哀

七雷反冠者賓及贊者

孔子曰內喪則廢外喪則冠而不醴徹饌

而婦即位而哭如冠者未至則廢

饌

士戀反婦悉報反內喪同門也不醴

不醴子也其廢者喪成服因喪而冠疏曰內喪謂同大門內之喪加冠在廟廟在大門之內吉凶不可同處故聞喪則廢外喪謂大門外之喪喪在它處可以加冠也但平常吉時三加之後設醴以禮冠者之身今既有喪故直三加而已醴及饌具未聞喪之先既已陳設今皆撤去又埽除冠之舊位使清潔更新乃即位而哭如賓及贊者未至如將冠子而未及期日而有齊衰大功

小功之喪則因喪服而冠

廢吉禮而因喪冠俱成人之服及至也疏曰吉冠是吉

時成人之服喪冠是喪時成人之服今既有凶廢吉禮而因喪冠故云俱成人之服也

除喪不改

冠乎

疏曰曾子疑除喪之後更改易而行吉冠之禮

孔子曰天子賜諸侯大夫

冕弁服於太廟歸設奠服賜服於斯乎有冠醮無冠醴

酒為醢冠禮醢重而醢輕此服賜服酌用酒尊賜也不醢明不為改冠改冠當醢之疏曰諸侯大夫幼弱未

冠總角從事至當冠之年因朝天子天子賜之或弁或冕之服於太廟之中歸設奠祭於已宗廟但服所賜之服更不改冠但使人酌酒以飲已而無酬酢皆以榮君之賜更不用醢以禮受服者之身言因喪而冠不可除喪更改為吉冠也又曰醢是古之酒故為父沒而冠重醢用酒是後代之法故為輕曾子問

則已冠埽地而祭於禰已祭而見伯父叔父而后饗冠

者饗謂禮之曾子問以喪冠者雖三年之喪可也既冠於次

入哭踊三者三乃出冠古亂反三者之三息暫反疏曰每哭一節而三踊如此者三凡

為九踊知非其冠月待變除卒哭而冠者二月緇多士女是冠用二月假令正月遭喪則二月不得因喪而冠

必待變除受服之節乃可冠矣

大功之末可以冠子可以嫁子父小功

之末可以冠子可以嫁子可以取婦已雖小功既卒哭

可以冠取妻下殤之小功則不可

取七住反又如字此皆謂可用吉禮之

時父大功卒哭而可以冠子嫁子小功卒哭而可以取婦已大功卒哭而可以冠子小功卒哭而可以取妻必偕祭乃行也下殤小功齊衰之親除喪而後可為昏禮凡冠者其時常冠則因喪而冠之 雜記 魯

襄公九年十二月晉悼公以諸侯之師伐鄭而還公送

晉侯晉侯以公宴于河上問公年季武子對曰會于沙

隨之歲寡君以生

沙隨在成十六年

晉侯曰十二年矣是謂一

終一星終也

歲星十二歲而一周天

國君十五而生子冠而生子

禮也

冠成人之服故必冠而後生子

君可以冠矣大夫盍為冠具武子

對曰君冠必以裸享之禮行之

裸謂灌鬯酒也享以金祭先君行將也

石之樂節之

以鐘磬為舉動之節

以先君之祧處之

諸侯以始祖之廟為祧

今寡君在行未可具也請及兄弟之國而假備焉晉侯

曰諾公還及衛冠于成公之廟

成公今衛獻公之曾祖從衛所處假鐘

磬焉禮也

春秋左氏傳

晉趙文子冠

韋昭注文子趙盾之孫趙朔之子趙武也

冠謂以士禮始冠

見欒武子武子曰美哉

武子欒書也禮既冠奠饗於君遂以饗見

於卿大夫先生

昔吾逮事莊主

莊莊子趙朔之謚大夫稱主趙朔嘗將下軍樂

美哉美成人也

之書佐華則榮矣實之不知請務實乎

榮者有色貌實之不知華而不實也

見范文子

文子

文子曰而今可以戒矣夫賢者寵至而

益戒不足者為寵驕

智不足者得寵而驕

故興王賞諫臣逸王罰

之先王疾是驕也見韓獻子

獻子晉卿韓厥

獻子曰戒之此謂

成人成人在始與善始與善善進善不善蔑由至矣

無蔑

也始與不善不善進不善善亦蔑由至矣如草木之產

也各以其物

物類也

人之有冠猶宮室之有牆屋也糞除

而已又何加焉

糞除喻自穢潔

見智武子武子曰吾子勉之子

晉卿荀首之子荀營

成子之文宣子之忠其可忘乎吾子勉之有

宣子之忠而納之以成子之文事君必濟

濟成也

見張老

附語之

張老張孟

晉大

張老曰善矣從欒伯之言可以滋

滋孟

也范叔之數

可以大韓子之戒可以成物備矣志在子

物陳也人事已備能

行與否在子之志智子之道善矣

道訓也

是先主覆露

子也

先主謂成宣露潤也國語

儀禮經傳通解卷一